


集部輯佚文獻彙編

翟金明 主編

國家圖書館出版社

8



集部輯佚文獻彙編

8



新出 易學

中華書局出版

(漢)王逸撰

(明)馮惟訥輯

王逸

明刻《詩紀·漢》本

第八冊目錄

別集(八)

漢(八)

王逸 (漢)王逸撰 (明)馮惟訥輯 二

王逸 (漢)王逸撰 (清)嚴可均輯 五

王叔師集一卷 (漢)王逸撰 二七

王逸 (漢)王逸撰 丁福保輯 五一

李尤 (漢)李尤撰 (明)馮惟訥輯 五三

李尤 (漢)李尤撰 (清)嚴可均輯 五五

李尤 (漢)李尤撰 丁福保輯 八一


張衡 (漢)張衡撰 (明)馮惟訥輯 八四

張河間集六卷附錄一卷 (漢)張衡撰 (明)張變輯

序 九一

目錄		九五
卷一		一〇三
卷二		一四五
卷三		二〇三
卷四		二三九
卷五		二七三
卷六		三〇九
附錄		三三七
張河間集	(漢)張衡撰 (明)葉紹泰輯	三五五
張衡	(漢)張衡撰 (清)嚴可均輯	三六七
張衡	(漢)張衡撰 丁福保輯	四五一
荀侍中集	(漢)荀悅撰 (明)葉紹泰輯	四五五
荀悅	(漢)荀悅撰 (清)嚴可均輯	四八三
崔琦	(漢)崔琦撰 (清)嚴可均輯	四九一
崔瑗	(漢)崔瑗撰 (清)嚴可均輯	四九五
張綱	(漢)張綱撰 (清)嚴可均輯	五〇九

寶章	(漢)寶章撰	(清)嚴可均輯	五一
李固	(漢)李固撰	(清)嚴可均輯	五四
王延壽	(漢)王延壽撰	(清)嚴可均輯	五三一
桓麟	(漢)桓麟撰	(明)馮惟訥輯	五四一
桓麟	(漢)桓麟撰	(清)嚴可均輯	五四四
桓麟	(漢)桓麟撰	丁福保輯	五五〇
崔寔	(漢)崔寔撰	(清)嚴可均輯	五五一
邊韶	(漢)邊韶撰	(清)嚴可均輯	五五五
張升	(漢)張升撰	(清)嚴可均輯	五六三
侯瑾	(漢)侯瑾撰	(清)嚴可均輯	五六五
秦嘉	(漢)秦嘉撰	(明)馮惟訥輯	五六七
秦嘉	(漢)秦嘉撰	(清)嚴可均輯	五七二
秦嘉	(漢)秦嘉撰	丁福保輯	五七六



王逸

字叔師南郡宜城人元初中舉上計吏爲校書郎累至侍中著楚詞章句其賦誄書論及雜文凡二十一篇

作漢詩百二十三篇

琴思楚歌

盛陰脩夜何難曉
思念糾戾腸
摧繞時節晚
莫年齒老冬夏更運去
若頽寒來暑往難
逐追形容減

少顏色虧時忽晦晦若驚馳意中私喜施用爲內
無所恃失本義志願不得心肝沸憂懷感結重歎
噫歲月已盡去奄忽亡官失祿去家室思想君命
幸復位久處無成卒放棄

全後漢文卷五十七

烏程嚴可均校輯

王逸

逸字叔師南郡宜城人元初中舉上計吏除校書郎順帝時進
侍中有楚辭章句十二卷集二卷

機婦賦

舟車棟宇靡工也杵臼碓磴直巧也盤杆縷針小用也至于織機
功用大矣素樸醇一野處穴藏上自太始下訖羲皇帝軒龍躍庶
業是昌俯覃聖思仰覽三光悟彼織女終日七襄爰制布帛始垂
衣裳于是取衡山之孤桐南岳之洪樟結靈根于盤石託九層于
巖宥性條暢目端直貫雲表而剴良儀鳳晨鳴翔其上怪獸羣萃
而陸梁于是乃命匠人潛江奮驪踰五嶺越九岡斬伐剖析擬度
短長勝復迴轉刻像乾形大匡淡泊擬則川平光爲日月蓋取昭

明三軸列布上法台星兩驥齊首儼若將征方員綺錯極妙窮奇
蟲禽品獸物有其宜免耳跼伏若安若危猛犬相守竄身匿蹄高
樓雙峙下臨清池游魚銜餌灑澍其陂鹿盧竝起纖繳俱垂宛若
星圖屈伸推移一往一來匪勞匪疲于是暮春代謝朱明達時蠶
人告訖舍罷獻絲或黃或白蜜蠟凝脂纖纖靜女經之絡之爾乃
窈窕淑媛美色貞怡解鳴佩釋羅衣披華幕登神機乘輕杼攬牀
帷動搖多容俯仰生姿

藝文類聚六十五北堂書鈔一百五十八御覽八百二十五

荔支賦

大哉聖皇處乎中州東野貢落疏之文瓜南浦上黃甘之華橘

初學

記二西旅獻崑山之蒲桃

初學記二十八御覽九百七十二

北燕薦朔濱之巨栗

藝文類聚八十七初學記

二十八御覽九百六十四

魏土送西山之杏

藝文類聚八十七御覽九百六十八

宛中朱柿

御覽九百七十一

房陵縹李

文選潘岳閒居賦注御覽九百六十八

酒泉白柰

文選

大四百六十一
小一百零五

蜀都賦注

乃觀荔支之樹其形也曖若朝雲之興森如橫天之曄湛若大廈

之容鬱如峻嶽之勢修幹紛錯綠葉臻臻文選蜀都賦注作纂纂角亢興而

靈華敷大火中而朱實繁文選蜀都賦注作繁生灼灼若朝霞之映日離離

如繁星之著天皮似丹闕膚若明璫潤侔和璧奇喻五璫仰歎麗

表俯嘗嘉味口含丹液心受芳氣兼五滋而無常主不知百和之

所出卓絕類而無儔超眾果而獨貴藝文類聚八十七御覽九百七十一

宛洛少年邯鄲遊士文選曹植名都篇注表淑效曹植白馬篇注裴不及解文選赭白馬賦注

飛匡上下電往景還文選江賦注

九思

九思者王逸之所作也逸南陽人博雅多覽讀楚辭而傷愍屈原

故為之作解又自屈原終沒之後忠臣介士遊覽學者讀離騷

九章之文莫不愴然心為悲感高其節行妙其麗雅至劉向王褒

之徒咸嘉其義作賦騁辭已讚其志則皆列于譜錄世世相傳逸
與屈原同土共國悼傷之情與凡有異竊慕向褒之風作頌一篇
號曰九思已裨其辭未有解說故聊敘訓誼焉辭曰

悲兮愁哀兮憂天生我兮當闇時被詠譜兮虛獲尤心煩憤兮意
無聊嚴載駕兮出戲遊周八極兮歷九州求軒轅兮索重華世既
卓兮遠眇眇握佩玖兮中路躇羨咎繇兮建典謨懿風后兮受瑞
圖愍余命兮遭六極委玉質兮于泥塗遽億違兮驅林澤步屏營
兮行巨阿車軌折兮馬虺頽憊悵立兮涕滂沲思丁文兮聖明哲
哀平差兮迷謬愚呂傅舉兮殷周興忌妬專兮郢吳虛仰長歎兮
氣餉結悒殞絕兮咥復蘇虎兕爭兮于廷中豺狼鬪兮我之隅雲
霧會兮日冥晦飄風起兮揚塵埃走鬯罔兮乍東西欲竄伏兮其
焉如念靈閨兮隕重深願竭節兮隔無由望舊邦兮路逶隨憂心
悄兮志勤劬魂煢煢兮不遑寐目眈眈兮寤終朝

逢尤

令尹兮謇謇羣司兮譴譴哀哉兮淝淝上下兮同流菽藟兮蔓衍
芳藟兮挫枯朱紫兮雜亂曾莫兮別諸倚此兮巖穴永思兮竊悠
嗟懷兮眩惑用志兮不昭將喪兮玉斗遺失兮鈕樞我心兮煎熬
惟是兮用憂進惡兮九旬復顧兮彭務擬斯兮二蹤未知兮所投
謠吟兮中壘上察兮璇璣大火兮西睨攝提兮運低雷霆兮硠礚
雹霰兮霏霏奔電兮光晃涼風兮愴悽鳥獸兮驚駭相從兮宿棲
鴛鴦兮嗶嗶狐狸兮微微哀吾兮介特獨處兮罔依螻蛄兮鳴東
蟪蛄兮號西載緣兮我裳蠋入兮我懷蟲豸兮夾余惆悵兮自悲
佇立兮忉怛心結縉兮折摧

怨上

周徘徊兮漢渚求水神兮靈女嗟此國兮無良媒女詘兮謹護鵠
雀列兮譁謹鵠鵠鳴兮聒余抱昭華兮寶璋欲銜鬻兮莫取言旋

適兮北徂叫我友兮配耦日陰暄兮未光聞晞寃兮靡睹紛載驅
兮高馳將諮詢兮皇羲遵河皋兮周流路變易兮時乖瀟滄海兮
東遊沐盟浴兮天池訪太昊兮道要云靡貴兮仁義志欣樂兮反
征就周文兮邠岐秉玉英兮結誓日欲暮兮心悲惟天祿兮不再
背我信兮自違踰隴堆兮渡漠過桂車兮合黎赴崑山兮畢駮從
邛遨兮棲遲允玉液兮止渴齧芝華兮療飢居嶮廓兮眇疇遠梁
昌兮幾迷望江漢兮獲渚心緊綦兮傷懷時眇眇兮旦旦塵莫莫
兮未晞憂不暇兮寢食吒增歎兮如雷

疾世

哀世兮睭睭譏譏兮嗔喔眾多兮阿媚散靡兮成俗貪枉兮黨比
貞貞兮熒獨鵠竄兮枳棘鵠集兮帷幄蕩蕩兮青葱臺本兮萎落
觀斯兮僞惑心爲兮隔錯逡巡兮圃藪率彼兮眇陌川谷兮淵淵
山島兮峇峇叢林兮嶮嶮株榛兮岳岳霜雪兮濯濯冰凍兮各罍

東西兮南北罔所兮歸薄庇廕兮枯樹匍匐兮巖石踳跼兮寒局
數獨處兮志不申年齒盡兮命迫促魁壘擠摧兮常困辱含憂強
老兮愁不樂鬚髮藍頰兮顚鬢白思靈澤兮一膏沐懷蘭英兮挹
瓊若待天明兮立躑躅雲蒙蒙兮電條爍孤雌驚兮鳴啾啾思怫
鬱兮肝切剝忿悵悵兮孰訴告

憫上

悼屈子兮遭厄沈玉躬兮湘汨何楚國兮難化迄于今兮不易土
莫志兮羔裘競佞諛兮讒閹指正義兮爲曲詆玉璧兮爲石鴟鵂
遊兮華屋鵲鷦棲兮柴蔴起奮迅兮奔走遑羣小兮譏詢載青雲
兮上昇適昭明兮所處躡天衢兮長驅踵九陽兮戲蕩越雲漢兮
南濟秣余馬兮河鼓雲霓紛兮晡翳參辰回兮顛倒逢流星兮問
路顧我指兮從左倥傯背兮直馳御者迷兮失軌遂踴達兮邪造
與日月兮殊道志闕絕兮安如哀所求兮不耦攀天階兮下視見